

CLASSIS XIII.
DE OLEIS.

OLEA PER EXPRESSIONEM.

OLEUM AMYGDALARUM DULCIUM.

R. Amygdalarum dulcium decorticatarum, & ex-
siccatarum — quantum placet.

Contunde exacte quantum fieri potest, & sac-
culo ex funiculis contexto inclusas per torcular
fortiter exprime.

Eadem prorsus ratione ex aliis quoque semini-
bus & nucleis, vel decorticatis, vel ut decet re-
purgatis Olea extrahuntur: E. G.

Oleum Amygdalarum amararum,

Oleum Nucum Juglandium,

Oleum Avellanarum,

Oleum e Nucleis Persicorum,

Oleum

Oleum e Nucleis Armeniacarum,
 Oleum e Nuce Ben,
 Oleum e Seminibus Citrei,
 Oleum e Seminibus Lini,
 Oleum e Seminibus Raparum,
 Oleum e Seminibus Sefami, five Oleum Sefaminum,
 Oleum e Vinaceis, five Uvæ feminibus,
 Oleum e Seminibus Frigidis Majoribus,
 Oleum e Seminibus Hyoscyami. &c.

Quæ Olea si pro externo usu parare debueris, ut in plerisque accidet, nucleos & semina contusa supra lentum ignem calefacere poteris ante expressiōnem, & pauxillum Aquæ Rosacæ affundere, ad uberiores Olei proventum.

OLEUM NUCIS MOSCHATÆ.

℞. Nucum Moschatarum — quantum placet.

Contusas Vino Malvatico asperge, agita in cacoabo æreo ad ignem, donec ros oleosus transfudet; sacculo inclusas per torcular exprime. Oleum habebis initio liquidum, quod tamen brevi coagulabitur.

Frigidis & humidis ventriculi affectibus succurrit.

BUTY-

BUTYRUM CACAO.

℞. Granorum Cacao de Nicaragua

—quantum placet.

Torrefiant leniter in sartagine, & confricentur quoad cortices excidant: contundantur diligenter, & incallescant in balneo-maris: comprimaturs massa in torculari inter duas laminas ferreas calentes. Exstillabit Oleum Butyraceum frigore concrefcens, quod liquetur sæpius in balneo-maris, & abluatur aqua pura, donec colorem candidum acquirat.

Extenuatis ac tabidis prodest; refrigerat, incrassat, & humorum acrimoniam compefcit.

Dosis a drachma una ad drachmas duas.

OLEUM EX GRANIS TRITICI

SIVE

DE FRUMENTO.

℞. Granorum Tritici —————quantum placet.

Inter duas laminas ferreas non multum ignitas in torculari fortiter comprime, & Oleum exstillabit.

Impetigines, & cutis asperitates lenit.

OLEUM

OLEUM LAURINUM.

R₂. Baccarum Lauri maturarum, & recentium
— quantum placet.

Tritæ cum aqua communi coquantur; coctæ vero fortiter exprimantur: Oleum aquæ supernatans in subiecto vase colligetur.

Ad cerebri, nervorum, articulorum, & stomachi affectus.

OLEUM DE VITELLIS

OVORUM.

R₂. Ova elixatione indurata — quot volueris.

Vitellos exemptos & comminutos in sartagine supra ignem assabis, donec rubescant, & pinguedo transfudet. Massam etiamnum fervidam exprimes, & Oleum expressum in usum servabis.

Hæmorrhoidibus dolentibus, ambustis, cicatricibus variolarum, & aliis cutaneis affectibus medetur.

OLEA

OLEA PER MACERATIONEM

SIMPLICIA.

OLEUM ROSATUM.

℞. Rosarum communium repurgatarum — unciæ sexdecim.
 Infunde in
 Olei Olivarum — libris quatuor.

Macera & infola per dies octo; Rosas extractas exprime, & recentes affunde ad idem pondus, easque pariter macera & infola: tertia vice omnia repete: post ultimam insolationem percolatum Oleum in usum serva.

Roborat, resolvit, lenit, ac dolores mulcet.

OLEUM VIOLATUM.

Ex Violis paratur eadem ratione ac Oleum Rosatum ex Rosis.

Refrigerat, inflammationum æstum temperat, pleuriticos dolores sedat.

Eodem ordine procedes, ut alia ex floribus Olea conficias: E. G.

Oleum Chamæmelinum,
 Oleum Cheirinum, five de Violis Luteis,
 Oleum

Oleum de Liliis albis,
 Oleum de Floribus Nymphææ,
 Oleum de Floribus Rorismarini. &c.

OLEUM DE ABSINTHIO.

℞. Summitatum Absinthii ——— uncias quatuor,
 Olei Olivarum ——— libram unam.

Fiat infusio & insolatio ex arte, pauxillo Vini si libeat affuso; adhibeantur novæ summitates aut folia pro secunda ac tertia infusione, & insolatione, ut in Oleo Rosato. Ultimo leniter ferveant ad humiditatis evaporationem, & colatum Oleum ad usum servetur.

Usus ad obstructions, lumbricos, & ventriculi imbecillitatem.

Eadem methodo utere ad Olea reliqua ex herbis recentibus paranda. E. G.

Oleum Rutaceum,
 Oleum Anethinum,
 Oleum Sampsuchinum, sive de Majorana,
 Oleum de Mentha.
 Oleum de Lavandula, sive de Spica,
 Oleum de Sabina, &c.

OLEUM

Cc

OLEUM

OLEUM DE SAMBUCO

Adhibitis foliis, floribus, & cortice interno Sambuci, eadem ratione fiat ac Oleum de Absinthio.

Ambustis prodest.

OLEUM DE PAPAVERE.

Ex foliis & capitibus incisis Papaveris albi, fiat ut Oleum de Absinthio.

Dolores mitigat, somnum conciliat.

OLEUM IRINUM.

℞. Radicum Iridis nostratis recentium & contusarum — libras duas.

Infunde & macera per horas viginti quatuor supra cineres calidos in

Olei Olivarum — libris quatuor.

Ferveant ad consumptionem humiditatis; facta expressione adde

Florum Iridis — libram semis.

Digere in cineribus calidis per diem, iterumque coquantur lenissime ad humiditatis evaporationem; colatum & expressum Oleum serva.

Attenuat, digerit, ac resolvit; dolores aurium, hepatis, splenis, uteri, & articularum a causa frigida productos sedat.

OLEUM

OLEUM MYRTINUM.

R^x. Summitatum Myrti,
Baccarum ejusdem, ——— ana uncias novem.

Infunde in
Olei Olivarum ——— libris quatuor,

Vini albi ——— libra una.

Macera per dies septem, quotidie agitando; postea decoque ad vini consumptionem, & colatum Oleum ad usum repone.

Cerebrum, cor, nervos, ac ventriculum roborat.

OLEUM DE CYDONIIS.

R^x. Cydoniorum immaturorum, non mundatorum,
in taleolas sectorum,
Succi eorundem, ——— ana libram unam,

Olei Olivarum ——— libras tres.

Macera omnia simul in hypocausto, per dies quindecim, coque in duplici vase, & projectis Cydoniis recentia immitte; rursus macera & coque: adhuc etiam tertio nova Cydonia superadde; post ultimam vero coctionem expressum Oleum in usum serva.

Refrigerat, adstringit, sudoremque immodicum sistit.

OLEUM CUCURBITACEUM.

℞. Cucurbitas virides longas, quarum caro apud nos melle condiri solet, — quot volueris.

Projecta medulla æ feminibus, carnem in tenuia segmenta divide; deinde fume

Pulpæ ita præparatæ ——— libras quatuor:

Infunde in

Olei Olivarum ——— libris duodecim.

Decoque ad consumptionem humiditatis, & vase ab igne remoto, ubi Oleum refrigeratum fuerit, Ferrum candens in ipsum pluries immerge, solícite cavens ne flamma accendatur: colatum in usum serva.

Externa inunctione egregium est antipleuriticum.

OLEUM DE BALSAMINA

SIVE

DE CHARANTHIS.

℞. Fructuum Balsaminæ maturorum, exemptis seminibus, — quantum placet.

Immitte in lagenam vitream Oleo Olivarum semiplenam, & insola per aliquot dies; recentes interim fructus donec haberi poterunt identidem superaddens, ea lege ut Oleum duos digitos fructibus superemineat. Facta insolatione dierum quadraginta, ferveant leniter ad consumptionem humiditatis, & colatum Oleum servetur.

Ad cacas ac dolentes hæmorrhoides.

OLEUM

OLEUM POPULEON.

℞. Gemmarum five oculorum Populi arboris initio
veris collectorum — libras tres.

Infunde in

Olei Olivarum — libris octo,

Vini albi — libris duabus.

Macera per dies septem quotidie agitando, po-
stea decoque ad vini consumptionem, & colatum
serva.

Arthriticis, podagricis, nephriticis perutile habetur.

OLEUM MASTICHINUM.

℞. Mastiches — uncias tres,

Olei Rosati — libram unam,

Vini generosi — uncias quatuor,

Spiritus Vini — unciam unam & semis.

Decoque omnia simul ad dissolutionem Mastiches,
& humiditatis evaporationem: sic paratum Oleum
ad usum repone.

*Cerebrum, nervos, & ventriculum roborat; tumores
duros emollit, dolores sedat.*

OLEUM

OLEUM NARDINUM.

℞. Spicæ Nardi ————— uncias tres,
 Olei Sefamini, vel loco illius Amygdalini
 — libram unam & semis,
 Vini generosi,
 Spiritus Vini, — ana uncias duas & semis.

Decoque ad humiditatis consumptionem, & colatum ad usum ferva.

Calefacit, attenuat, digerit, modice adstringit, frigidisque capitis & ventriculi affectibus convenit.

OLEUM DE CASTOREO.

℞. Castorei ————— unciam unam,
 Olei Olivarum ————— libram unam,
 Vini albi ————— uncias duas.

Decoque secundum artem, & colatum in usum ferva.

In convulsivis affectibus, passionibus articulorum, doloribus hysteriis, ac rigore febrili.

OLEUM DE SPERMATE RANARUM.

℞. Spermatis Ranarum ————— libras duas,
 Olei Olivarum ————— libras tres.

Deco-

Decoque simul ad consumptionem humiditatis,
& colatum Oleum in usum repone.

Refrigerat, dolorem ac tensionem lenit.

OLEUM SCORPIONUM

SIMPLEX.

R_x. Scorpiones vivos — numero centum.

Infunde in

Olei Amygdalarum amararum — libris duabus.

Macera & insola in lagena stricti orificii per
dies quadraginta caniculares, post exhalationem hu-
miditatis cola.

*Ad faciliorem calculi expulsionem, & ad venenatos
animalium ictus.*

OLEUM FORMICARUM.

R_x. Formicarum majorum vivarum — uncias tres.

Infunde in

Olei Olivarum — libra una.

In reliquis procede ut in Oleo Scorpionum sim-
plici.

*Apbrodisiacis accensetur: caute administrandum, ut
reliqua ejus generis medicamenta.*

OLEUM

OLEUM LUMBRICORUM.

℞. Lumbricorum terrestrium — libram semis,
 Olei Olivarum — libras duas,
 Vini Malvatici — uncias duas,
 Spiritus Vini — unciam unam ;

Decoque omnia simul ad humiditatis consumptionem, & colatum Oleum usui serva.

Nervis male affectis perutile est.

OLEUM DE LACERTIS.

℞. Lacertarum majorum viridium vivarum — libram unam.
 Submerge ac suffoca in
 Olei Nucum Juglandium recentis — libris tribus.

Adde
 Vini optimi — uncias tres.

Decoque simul ad consumptionem humiditatis, & colatum ad usum repone.

Ad bernias sanandas, mixtum pulveribus adstringentibus.

OLEUM

OLEA

OLEA PER MACERATIONEM
COMPOSITA.

OLEUM SEPTEM FLORUM

MYSICHT.

R₂. Florum Violarum,
Sambuci,
Rofarum,
Chamæmeli,
Liliorum,
Verbasci,
Malvæ Rosæ, — ana manipulum unum,
Olei Olivarum ————— libras tres,

Fiat singulorum florum dum recentes sunt in eodem oleo triplex infusio ac maceratio ad Solem; & post levem ebullitionem colatum Oleum usui fervetur.

Capitis dolores mitigat, nervosarum partium contractionem laxat, tumores calidos vel resolvit vel maturat.

OLEUM ANODYNUM CNOEFFELII.

R₂. Foliorum Hyoscyami,
Solani,
Sempervivi, — ana unciam unam & semis,
Dd Flo-

Florum Nymphææ,
 Verbasci,
 Sambuci,
 Rosarum, — ana uncias duas,

Cancros fluviatiles contusos — numero quatuor.

Infunde in
 Olei seminum Lini
 Lumbricorum,
 Spermatidis Ranarum, — ana libra semis,

Medullæ cruris Bovini liquefactæ
 — unciis quatuor,
 Vini albi — unciis sex.

Digere aliquandiu; postea leniter coque ad humiditatis exhalationem; cola & fortiter exprime.

Ufus in febribus ardentibus ad spinam dorsi inungendam; dolores etiam calidam habentes causam lenit.

OLEUM ANTICOLICUM.

℞. Summitatum Anethi,
 Rorismarini,
 Menthæ,
 Pulegii, — ana uncias duas & semis,

Florum Chamæmeli — uncias quatuor,
 Corticum Aurantiorum viridum

— unciam unam & semis,
 Baccarum Juniperi — unciam unam,
 Coriandrorum — drachmas sex,

Opii

Opii ————— drachmas duas,

Infunde in

Olei Olivarum ————— libris duabus,

Vini albi ————— unciis sex.

Macera per diem unum, & coque ad humiditatis consumptionem; colato Oleo & expresso adde

Olei essentialis sem. Fœniculi,

Carvi, — ana drachmas duas,

Camphoræ rasæ ————— drachmas sex.

Misce, & in usum serva.

Colicis & hysteriis persalutare est, externe pariter interneque adhibitum.

Dosis ad aliquot guttas.

OLEUM NERVINUM.

R. Olei Lumbricorum,

Chamæmelini, — ana unciam unam,

Karabes distillati ————— drachmas duas,

Nitri subtiliter pulverisati — drachmam unam,

Spiritus Vini ————— unciam unam & semis.

Ferveant simul lento igne ad consumptionem spiritus vini: sub finem adde

Camphoræ rasæ ————— scrupulum unum:

qua dissoluta Oleum ab igne remove, & in usum serva.

Nervorum contractionibus, ac doloribus articularum, prodest.

Dd 2

OLEUM

OLEUM DE CAPPARIBUS.

℞. Corticum radiceis Capparum — unciam unam,
 Radicum Cyperi odorati,
 Corticum Tamarisci,
 Summitatum ejusdem,
 Foliorum Asplenii,
 Seminum Agni Casti, — ana drachmas duas,
 Rutæ — drachmam unam.

Infunde & macera in
 Olei Olivarum — libra una,

Vini generosi,
 Aceti acerrimi, — ana unciis duabus.

Decoque ad consumptionem humiditatis, & co-
 latum repone ad usum.

*Lienis scirrbo, obstructioni, dolori, omnique ejus fri-
 gida affectioni convenit.*

OLEUM HÆMORRHOIDALE

BENEDICTI VICTORII.

℞. Afellorum vivorum,
 Lumbricorum terrestrium, — ana unciam unam.

Infunde in
 Olei Seminum Lini,
 Nucleorum Armeniacarum,

— ana unciis quatuor,
 Vini albi — unciis duabus.

Deco-

Decoque omnia simul ad consumptionem humiditatis, & colatum usui serva.

Cacis, dolentibus, tumidisque hæmorrhoidibus solatio est.

OLEUM VULPINUM

MESUÆ.

℞. Vulpem pinguem ab intestinis repurgatam, in frusta cum ossibus comminutam,

Salis communis ————— uncias quatuor.

Coque in Aquæ fontis ————— libris sex,

Olei Olivarum ————— libris quatuor.


Inter coctionem adde

Summitatum Anethi,

Hyssopi, ————— ana libram unam.

Continuetur coctio usque dum caro ab ossibus separetur, & aqua consumatur: expressum Oleum, ac per subsidentiam defæcatum servetur.

Ad podagram & omnes arthritidis species: ad dorsi etiam ac renum dolores efficacissimum.



OLEUM

OLEA

OLEA BALSAMICA.

OLEUM HYPERICI.

R. Summitatum floridarum ac maturescentium Hyperici leviter contularum — uncias octo.

Infunde in
Olei Olivarum veteris — libris duabus,

Vini rubri generosi — libra una.

Macera in vase clauso ad Solem per dies tres: post levem ebullitionem cola & fortiter exprime: in expresso recentes Hyperici summitates ad idem pondus infunde: macerationem & ebullitionem repete. His omnibus tertia vice peractis Oleum cola, & adde

Terebinthinæ Venetæ — uncias sex,

Thuris — drachmas tres,

Croci Orientalis Vino dissoluti — scrupulos quatuor.

Rursus coque lento igne ad consumptionem humiditatis, & Oleum a sedimento purgatum in usum serva.

Ad vulnerum glutinationem quotidiano usu commendatissimum est: dolores arthriticos, podagricos, & ischiadicos a frigida causa productos mitigat.

OLEUM

OLEUM BENEDICTUM APPARITH DE ZUBIA

.VUEGO.

OLIO DELLA SPAGNUOLA.

℞. Summitatum floridarum Hyperici,
Cardui benedicti,
Radicum Valerianæ, — ana libram semis.

Infunde in ———
Vini rubri generosi ——— libris duabus.

Macera per triduum in vase clauso; postea superadde

Tritici mundi modice confusi — uncias duas,

Olei Olivarum veteris — libram unam & semis.

Coque lento igne ad vini consumptionem, cola & exprime, expresso adde

Olei sive Resinæ Abietis — libram unam,

Thuris — libram semis,

Myrrhæ — unciam semis.

Coque iterum leniter, donec omnia perfecte mixta fuerint, & Oleum usui repone.

Nobile vulnerarium est eximiis viribus insigne: valet plurimum ad contusiones cuiuscunque generis sanandas; recentia vulnera conglutinat, vetera carne implet, & ad cicatricem ducit.

OLEUM

OLEUM DE CATELLIS

PARÆI.

℞. Catellos recenter natos — numero duos,

Lumbricorum terrestrium — libram unam.

Coque in

Olei Violati — libris quatuor,

Aquæ fontis — libris quinque,

ad humiditatis consumptionem: cola & fortiter
exprime, expresso ac defæcato adde

Terebinthinæ Venetæ — uncias tres,

Spiritus Vini — unciam unam & semis.

Digere per triduum in balneo-maris, & ad usum
serua.*Mundificat, digerit, dolores lenit; ad sclopetorum
quoque vulnera adhibetur cum successu.*

OLEUM PRETIOSUM DE SCORPIONIBUS

MATTHIOLI.

℞. Foliorum Hyperici virentis — manipulos tres.

Contunde decenter, ut reliqua omnia postea in-
fundenda: contusis affunde

Olei Olivarum vetustissimi — libras tres.

Macera in vase vitreo duplæ capacitatis optime
obturato: insola per dies duodecim, digere in bal-
neo

neo aquæ calentis per horas viginti quatuor: Oleum
exprime, & in expresso infunde

Summitatum Hyperici,

Chamædryos,

Cardui benedicti,

Calaminthæ,

— ana manipulum unum.

Digere per tres dies in eodem balneo: exprime,
& in expresso infunde

Florum Hyperici a cauliculis repurgatorum

— manipulos tres.

Digere in balneo per triduum, cola cum expres-
sione: rursus eandem quantitatem florum affunde,
rursusque digere & cola: repete hæc omnia toties,
donec Oleum sanguinei coloris evadat: in expresso
ultimo infunde

Fructuum Hyperici viridium maturefcentium

— manipulos tres.

Insola per dies octo: digere in balneo per tri-
duum, cola & exprime; hæc omnia toties repete,
quoad Oleum fiat obscure sanguineum: in expres-
so ultimo infunde

Summitatum Scordii,

Calaminthæ,

Centaurii minoris,

Cardui benedicti,

Dictamni Cretici,

Verbenæ, — ana manipulum semis.

Digere per triduum in balneo: cola & exprime;
in expresso infunde

Radicum Zedoariæ,

Dictamni albi,

Gentianæ,

Ee

Ra-

Radicum Aristolochiæ rotundæ,
 Tormentillæ, — ana drachmas tres,

Summitatum Scordii — manipulum unum.

Digere similiter per tres dies in balneo, cola &
 exprime: in expresso infunde

Styracis, —
 Benzoini, — ana drachmas sex,

Baccarum Juniperi — unciam semis,

Seminum Nigellæ — drachmas duas,

Cinnamomi — drachmas novem,

Schoenanthi,

Cyperii Orientalis,
 — ana drachmam unam & semis,

Santali albi — unciam semis.

Macera per triduum in balneo, cola & expri-
 me; deinde fume

Scorpiones vivos canicularibus diebus collectos
 — numero trecentos.

Vase vitreo inclusos cineribus calidis superimpo-
 ne; cumque illi præ calore sudare & agitari cœ-
 perint, prædictum Oleum modice calidum superaf-
 funde, obturato statim vase: digere per triduum in
 balneo, & facta forti expressione infunde

Rhabarbari,

Myrrhæ,

Aloes Hepaticæ — ana drachmas tres,

Spicæ Nardi — drachmas duas,

Thuris,

Croci, — ana drachmam unam,

The-

Theriaca,

Mithridatii, ——— ana unciam semis.

Digerantur per triduum in balneo supradicto ad humiditatis consumptionem; hoc facto Oleum non amplius percoletur, sed recondatur in usum, perinde ac Opobalsamum.

Venenis omnibus per os sumptis, modo de rodentium genere non fuerint, potenter adversari creditur: viperarum etiam aliorumque venenatorum animalium morsibus efficaciter succurrere.

OLEUM CONTRA VENENA

MAGNI DUCIS HETRURIAE.

℞. Scorpionum vivorum ——— libram unam.

Infunde in

Olei Olivarum vetustissimi — libris quinque.

Digere in vase vitreo optime obturato per dies triginta ad solem: coque in balneo maris per sex horas; exprime, & expresso adde

Radicum Bistortæ,

Gentianæ,

Tormentillæ,

Vincetoxici,

Imperatoria, — ana uncias duas.

Iterum coque in balneo per horas quatuor: cola exprime; in expresso infunde

Rhabarbari,

Myrrhæ,

Ee 2

Aloes

Aloes Hepaticæ,

Ligni Aloes,

Croci, ——— ana unciam unam & semis.

Rursus coque per sex horas in eodem balneo;
cola & exprime: expresso adde

Theriacæ,

Mithridatii, ——— ana unciam semis.

Digere per triduum in balneo, & sine ulteriori
percolatione ad usum serva.

*Præservat a peste, febribus malignis occurrit, ac ve-
nenis resistit; non autem solum externe adhibetur, sed
etiam interne.*

OLEUM ANTHELMINTHICUM

VULGO

OLIO D' ABACUC.

℞. Seminum Colocynthidos ——— uncias tres,

Radicum Gentianæ,

Dictamni albi,

Summitatum Centaurii minoris,

Absinthii,

Amygdalarum amararum,

Nucleorum Persicorum,

Lupinorum, ——— ana unciam unam,

Seminis Sancti,

Cornu Cervi usti,

Corallinæ, ——— ana drachmas tres,

Radi-

Radicum Cyclaminis,
Seminum Brassicae, — ana unciam semis.

Contusa ut decet infunde in

Vini Austeri,
Aceti acerrimi, — ana unciis quindécim,

Succi Absinthii — libra una & semis,

Limonum,

Aurantiorum, — ana unciis quatuor.

Macera per triduum, & adde

Fellis Bovini — uncias duas,

Olei de Absinthio — libras quinque.

Coque ad consumptionem humiditatis; cola &
exprime: in expresso dissolve

Olei Laurini — uncias quatuor,

de Spica distillati,

Petrolei, — ana uncias tres,

Picis nigrae liquidæ — uncias quindécim,

Aloes Hepaticæ — uncias duas,

Croci subtiliter pulverisati

— drachmam unam & semis.

Misce, & ad usum ferva.

*Adversus lumbricos infantibus praesidio est, umbili-
cali regioni illitum: unde Italicum nomen Olio da Ba-
chi, & corrupte Olio d' Abacuc.*

OLEUM

OLEUM STOMACHICUM

MAGNI DUCIS HETRURIAE.

℞. Mastices ————— uncias sex ;

Nucis Moschatæ, —————
Caryophyllorum, ————— ana uncias quatuor ;Schœnanthi, —————
Macis, ————— ana unciam unam ;

Ligni Aloes ————— unciam semis .

Pulverisata omnia subtiliter infunde in
Olei Mastichini ————— libris duabus ,

Hyperici ————— libra una & semis ,

Rutacei ————— libra semis .

Digere per dies novem in vase vitreo cooperto
in balneo-maris, & colatum ad usum serva.*Stomachum efficaciter roborat, flatus discutit, ver-*
mes necat.

OLEUM

CLAS-